

ییل : ۱ جلد : ۱

نیشان ، ۱۳۳۰


پایا مجموعه سی کی

حالد

ناشری : تورک بیلکی درکنی

آیده بر چیقار

مدیر : جلال ساهر



فیثاتی : بش غروش

آتالار سوزی ر عثمانلی تاریخی

آتالار سوزینی جامع کتابلرمن برچوق جهتلردن ، فائده لی بر صورتده ،
تدقیق ایدیه بیلیر : اونلردن بریسی ده عثمانلی تاریخی نقطه نظریدر .
ضروب أمثاله باقیلیرسه بونلردن برچوغنك بوتون تورك ملتنه عائد و پك
أسكى شیر اولدینی کورولور .

احمد وفیق پاشا و شناسی مرحوملرک طوپلایوب چیقاردقلری آتالار سوزلری
ایچنده بش یوزدن فضله ملی وزنده مفرد بیت واردرکه بونلرک هانکی شاعر
طرفندن نظم ایدیلدیکی بللی ده کلدرد . بونلر پك أسكى زمانلرده بر ویا بر
چوق شاعرلرک ، آغیزلره دوشمش ، حکملری عموم ملتجه حقیقت اولمق
اوزره قبول ایدیلش سوزلریدر . ایشته جدی ، ملی اثرلرک ملت یاشادجه
حافظه اناامده باقی قالاغنه بونلر ابدی برر آبد ، برر بککو طاشی در .
مثلا صوکرادن کورمه ، توره دیلر حقنده کی شو :

کورمه مش کورمش ،

کوله دن تولمش .

بیتی کیم بیلیر قاچ عصر اول حکیم بر شاعرک آغیزندن چیقمشدر . و بو
بیت ، شو حقیقت باقی قالدجه یاشایا جقدر . فقط کیمک سویله دیکی احتمال که
مؤبد بر مجهولدر .

غریبدرکه حماسیاته ، محاسنه ، حاصلی بر حقیقت و فضیله مشوق اولان
آتا سوزلری علم لسان نقطه نظرندن اُك أسكى اولانلری در . بونلردن مثلاً:
أمه ، سمه یاراماز [۱]

کیی بو کون بعضی کلمه لری قوللانیلماز و حتی معناسی بیلینمزلی بیه موجود-
دیتلرینی محافظه ایتمشدر . فقط بوراده مقصدمن بوتون آتالارمنک سوزلرینی
یابلره ، فصللره آیرمق و او یولده اوزون تدقیقات اجرا سنده بولونمق ده کلدرد .

بونی صوکرایه دوشه جک برفرسته براقیورز . شوراده بونلری یالکز تاریخ
نقطه نظرندن تدقیقه برچیغیر آچق ایسته یورز. اوت ، برآز اول اک اُسکی
آتالر سوزینک فضیلت و حماسه داتر اولدیغنی سویله دک . ایشته :

یکیت تُولور ، شان قالیر ؛

آت تُولور ، میدان قالیر.

* *

قالیرسه ایل بکه نسین اولورسه یر بکه نسین .

ایل ایله کلن دوکون ، بایرام .

سوزلری فضیلت میداننده جان ویریه جک شان قازانیلاجغنی ، عمومه کلن
قضانک دوکون بایرام اولاجغنی بر اُرکک دیلیله سویله یور . ایشته بونلر ملتک
حماست و فضیلت دورینه عاندر .

شونلر ایسه داها یکیدر :

شیق شیق ایدهن نالچادر ،

ایش بیتیرهن آچه در .

* *

ایل ایچین یانما ناره ،

یاق چوبوغنی ، صفا کی آرا .

دقت بویورولویورمی ، نره یه اینیورز؟ شان میداننده تُولمک ، قالیرسه ایل
بکنمک ، تُولورسه یر بکنمک ، عمومه کلن مصیبتلری قوجامان بریوره کله دوکون ،
بایرام صایمق کی قهرمانلقلر ، توکلر اورتادن قالقیور ؛ یرینه منافع ذاتیه ،
استراحت مسکینانه کی عادیلکلر کلیور . آرتیق او مسکین قهوه خانه لرده
چوبوق اوفله مک غایه امل اولویور . ایله آجیمق سویله دورسون ، او مصیبت
چوبوق صفاسیله قارشیلانیور . فقط داها وار :

دولتک مالی ده کیز ،

یمه ین اونی دوموز !

بو بیت نزه بیت المال مالمینک نه قادار دوموزلره مأکل اولدیغنی، کوستریور!
پادشاه یاساغی اوچ کون سوره ر .

قانوندن باشقا برشی اولمایان یاساغک حکمی اوچ کون سوره رمش . بوده
برشیلر سویله یور .

ایشته بر آنارشی دوری که قاباجی مصطفی لر، فلانلر هپ اودورک قهرمانلریدر.
أک نزیه بر شاعر من، غالب ده ده بیله :

« چالدمسده میری مالی چالدم ! » دیمه یورمی ؟

ایشته عثمانلیق بودورلری آشیردی . شیمدی کوزلر من تجده معطوفدر .

بال حسن اوغلی

عجیب عاصم

